



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 5. Gratianus & Vivianus Nuncii ad Regem Angliæ mittuntur.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. *magna vi auri permovendi dicuntur, si*  
 A. C. 1169. *modo unicum lucrum ad Regem Angliæ*  
*redeat, nempe, si Papa me deponat. Capiti,*  
*quam tristem, quam periculosam profectio-*  
*nem mihi imperari Rex petierit? nec*  
*tamen curabat, unde tam longi itineris*  
*sumtus acciperem, aut quo creditoribus meis*  
*satisfacerem. Tandem nequicquam voca-*  
*retis me; nunquam iter, quod sine capitis*  
*periculo suscipere nequeo, ingrediar.*

§. V.

*Gratianus & Vivianus Nuncii ad Re-*  
*gem Angliæ mittuntur.*

Nuncii vero, quos ad Regem Angliæ  
 mittendos Papa delegit, erant Gra-  
 3. ep. 80. tianus, Eugenii III. Papæ nepos, Sub-  
 diaconus & Ecclesiæ Romanæ Notarius,  
 \* Orieto. ac Doctor Vivianus, Archidiaconus Ur-  
 bis veteris \*, & in Curia Romana Cat-  
 fidicus. Huic Papa tradidit formulam  
 pacis, de qua agendum erat, coegit-  
 que ambos jurejurando promittere, se  
 præscriptos limites neutiquam transgres-  
 furos. Prohibuit, ne se sumtibus Regis  
 sustentari paterentur, priusquam pax  
 sancita fuisset, nec vel diem unum ultra  
 præstitutum terminum, videlicet Festum  
 S. Michaelis ejusdem anni millesimi cent-  
 tesimi sexagesimi noni in Regis ditioni-  
 bus morarentur. Porro duas epistolas  
 ferebant Nuncii, alteram ad Archiepi-  
 scopum



scopum Cantuariensem datam, in qua Pontifex ei suadebat, præcipiebatque, ne ullius censuræ sententiam contra Regem, vel Regnum, vel primi ordinis Viros pronunciaret, ante reditum Nunciorum suorum, & si aliquam promulgasset, eam usque ad illud tempus suspenderet. In epistola ad Regem, ei in Dei omnipotentis nomine & pro remissione peccatorum suorum injungebat, ut Archiepiscopum Cantuariensem Ecclesiæ suæ redderet, & sincera mente eum secum in gratiam redire pateretur. Hæc epistola Beneventi decima Maji data. Præterea literas habebant Regi Franciæ scriptas, quas huic Principi Subiniaci in Burgundia commoranti, cum illuc divertissent, reddiderunt. Is Nunciis profectionem ad Regem Angliæ, qui in Vasconia cum exercitu versabatur, dissuasit, quo sine gravi periculo pervenire non possent. Ergo Senones se conferunt, ibidem Regis reditum præstolaturi.

## §. VI.

*Ecclesia Germaniæ.*

Inter hæc Fridericus Imperator, Comitibus Bambergæ generalibus in Festo Pentecostes, hoc anno millesimo centesimo sexagesimo nono in diem octavam Junii incidente, celebratis, quibus Cardinales (saltem tales se esse jactabant) Legati Cal-

Sæcul. XII.  
A.C. 1169.

3. ep. 1.

3. ep. 2.

Chron. Reich.  
an. 1169.

Cal-